

FAQ
PA STUDIANTE DI HULANDA KARIBENSE (CN)
KU PA TRES ÒF MAS AÑA TA BAI STUDIA
I/ÒF TRAHA
NA HULANDA EUROPEO

1. Kada studiante di CN ta haña un Burgerservicenummer (BSN) i kiko eksaktamente esei ta enserá?

Entrante e aña aki, tur studiante di CN ta haña un BSN. Bo BSN ta bo propio number personal pa kontakto ku gobièrnu di Hulanda Europeo. Bo mester di un BSN pa sera un "Basiszorgverzekering" (seguro di kuido básiko). Pero bo mester di bo BSN tambe pa otro kos importante, manera habri un kuenta di banko, inskribí bo mes na munisipalidad, etc.

2. Ki ora mi mester sera un basiszorgverzekering (seguro di kuido basiko)

*Ora bo ta biba na Hulanda pa un periodo di 3 aña òf mas pa estudio i/òf pa biba, tin "verzekeringsplicht" (obligashon di seguro). Den e kaso ei bo **mester** sera un basiszorgverzekering denter di 4 luna. [Wak aki](#) pa mas informashon i pa e kondishonnan.*

3. Komo studiante di CN, mi ta sigurá pa gastu médiko ora mi bai Hulanda? Tambe ora mi no a haña un oportunitat òf posibilidat pa sera un seguro médiko ainda?

*Tur studiante di CN pa e aña di estudio 2024-2025, ku despues di kaba skol na Boneiru, Sint Eustatius òf Saba ta bai Hulanda pa kontinuá nan estudio, lo keda sigurá via e seguro médiko di ZJCN te ku **30 di sèptèmber 2024**.*

4. Den e kaso ku mi mester bishitá un dòkter òf bai hospital despues di yega Hulanda: kon ta paga pa esei?

Te ku dia 30 di sèptèmber bo ta keda kai bou di e seguro di ZJCN. Na Hulanda e seguro aki no ta konosí. Pa e motibu ei bo mes lo mester paga gastunan mas chikitu manera pa un bishita di dòkter of remedi i deklará nan serka ZJCN. Por download e formulario di deklarashon "Studenten ZVK" via: <https://www.rijksdienstcn.com/documenten/formulieren/gezondheid-zorg/declaratie/declaratie-student/declaratie-student> òf pidi'e via info@zorgverzekeringskantor.nl.

Na momento ku tin kaso di gastunan 'grandi', manera pa hospital, e instansha di

kuido na Hulanda mester tuma kontakto ku ZJCN via informashon di kontakto riba e prueba di seguro i ZJCN lo sigui regla esaki huntu ku e instansha di kuido. Pa e motibu ei, sòrru ku semper bo ta ta kana ku bo prueba di seguro di ZJCN.

5. Ora ami komo studiante di CN, despues di kaba skol na Boneiru, Sint Eustatius òf Saba bai Hulanda pa kontinuá mi estudio ku ta dura por lo ménos 3 aña òf mas, ki tipo di seguro médiko mi mester sera e ora ei i ken ta paga e seguro médiko aki?

Ora abo komo studiante di CN, despues di kaba skol na Boneiru, Sint Eustatius òf Saba bin biba na Hulanda pa tres aña òf mas pa sigui un estudio i/òf pa biba, e ora ei ta konsiderá bo un residente hulandes i bo tin e **obligashon** pa sera un seguro médiko básiko hulandes. Spesial pa studiantenan di e islanan Karibense, tin e seguro básiko di HollandZorg. Bo **mes** mester sera e seguro básiko aki. Tambe, **ta bo mes lo mester paga** pa e seguro médiko básiko aki. Sí, bo ta bini na remarke pa supsidio adishonal pa seguro médiko (zorgtoeslag), loke **bo mes** mester regla, tambe. [Wak aki pa mas informashon tokante e Zorgtoeslag.](#)

6. Kiko mi mester hasi pa bini na remarke pa un seguro médiko básiko hulandes (Basiszorgverzekering)?

Solamente studiantenan ku yega Hulanda bou guia di TuranGoeloe, lo por hasi e pasonan abou ku * huntu ku nan guia di TuranGoeloe. Si bo bai Hulanda riba bo mes, bo mes mester regla tur kos.

Si bo ta bai Hulanda riba bo mes, bo mes lo mester regla tur kos.

- **Promé ku bo biahe pa Hulanda, bo mes, personalmente,** mester yama DUO, via **tel. +31 505 997 755** pa risibí bo number di BSN pa no-residente. Lo bo risibí e number aki tambe pa medio di un karta di Rijksdienst Identiteitsgegevens. Sòru pa bo nota bo number di BSN i ward'é bon, pasobra esaki ta hopi importante. (mira pregunta nr. 1 ariba tambe)
- Promé ku bo bai Hulanda, kanselá bo inskripshon for di registro sivil di bo isla.
- *Denter di 5 dia despues di bo yegada na Hulanda, inskribí den e registro sivil na e munisipio kaminda bo ta bai biba komo studiante.
- *E registro sivil na e munisipio kaminda bo ta biba mester kambia e number di BSN pa no-residente den un number di BSN pa residente.
- *Ku bo number di BSN pa residente bo por habri un kuenta di banko na Hulanda.
- *Ku bo number di BSN pa residente i bo kuenta di banko, komo studiante di CN, bo por sera un seguro médiko básiko serka un asegurador di kuido médiko hulandes.

7. Unda mi por sera un seguro médiko básiko (basiszorgverzekering Hulandes?)

Bo por sera un basiszorgverzekering serka kada agente di seguro na Hulanda Europeo. [Wak aki pa mas informashon](#).

E seguro médiko básiko di HollandZorg via InsureToStudy ta un naturaverzekering spesial pa studiante. Esei ta nifiká, ku bo por haña kuido médiko sin ku bo mester paga esaki mesora, i ademas, a regla ku bo no tin un propio riesgo ni tampoko mester paga un propio kontribushon personal ora bo tuma remedi riba resèpt di dòkter na botika. Nos ta konsehá bo pa lesa e kondishonnan di pólisa bon. E prima di e seguro médiko básiko di HollandZorg na aña 2024 ta € 154,20 pa luna. E seguro adishonal di HollandZorg na aña 2024 ta € 13,75 pa luna. E montante aki ta bini aserka di e prima básiko. Total e ta e ora ei €167,95 pa luna.

8. Komo studiante di CN, unda mi mester hasi petishon pa mi zorgtoeslag (supsidio adishonal pa seguro médiko)?

Despues ku un asegurador médiko asepta bo seguro médiko básiko, studiante di CN por pidi e zorgtoeslag. Bo por pidi bo zorgtoeslag online serka e Dienst Toeslagen:

<https://www.belastingdienst.nl/wps/wcm/connect/nl/zorgtoeslag/content/hoemoet-ik-zorgtoeslag-aanvragen>.

Bo mester tin un DigiD pa esaki. Tira un bista riba e lista di splikashon di término akibou pa un deskripshon di e DigiD i e zorgtoeslag.

9. Ora mi por risibí un zorgtoeslag (supsidio adishonal pa seguro médiko): kuantu e ta na aña 2024?

Esei ta dependé di bo entrada. Te un entrada di evaluashon (toetsingsinkomen) di €26.500 pa aña, bo por risibí un zorgtoeslag (supsidio adishonal pa seguro médiko) di €123,00 pa luna, tur luna.

10. Ora mi tin un seguro médiko básiko, mi por traha maske mi ta studia?

Sí.

11. Ki ora mi ta kore peliger di haña un but?

*Na momentu ku bo tin obligashon di seguro (pasobra bo ta a un residente i/of bo ta traha) i bo no tin un seguro médiko, e Centraal Administratie Kantoor (CAK) hulandes ta manda bo un karta tokante esaki promé. Si bo no sera un seguro médiko hulandes denter di 3 luna despues di e fecha riba e karta aki, bo ta haña **un but di***

€496,74 (na 2024). *Ademas si bo no a sera un seguro médiko hulandes denter di 3 luna despues di e promé but, bo ta **bolbe haña un but di €496,76.***

Pa informashon aktualisá tokante e tópiko aki nos ta referí bo na e wèpsait <https://www.hetcak.nl/regelingen/regeling-onverzekerden>.

12. Kiko mi mester hasi ora mi stòp di studia na Hulanda?

Esei ta dependé di bo situashon personal. Por fabor tuma kontakto ku Zorgverzekeringslijn (wak e siguiente pregunta).

13. Kiko ta e informashon di kontakto di InsureToStudy i di Zorgverzekeringslijn?

InsureToStudy B.V. POB 97640 2509 GA Den Haag (Hulanda) Telefòn : 0031-702051860 Meil : info@insuretostudy.com Wèpsait: www.insuretostudy.com	Zorgverzekeringslijn Het Rond 6D 3701 HS Zeist Postbus 291 3700 AG Zeist Telefòn -Yamando di Hulanda Karibense +31 88 900 6 960 -Yamando di Hulanda Europeo 0800-6464644 Meil: info@zorgverzekeringslijn.nl Wèpsait: https://www.zorgverzekeringslijn.nl/jouwsituatie/buitenland/je-komt-uit-het-buitenland-en-gaat-studeren-in-nederland/je-komt-uit-bonaire-saba-of-sint-eustatius-en-studeert-in-nederland/
---	--

14. Unda mi por akudí si mi tin mas pregunta?

<https://www.zorgverzekeringslijn.nl/jouw-situatie/buitenland/je-komt-uit-het-buitenland-en-gaat-studeren-in-nederland/je-komt-uit-bonaire-saba-of-sint-eustatius-en-studeert-in-nederland/>

i/òf:

Tur studiante i mayor (di kriansa) di Hulanda Karibense por manda nan preguntanan via meil pa StudentenBES@zorgverzekeringskantoor.nl. Nos ta hasi esfuerso pa kontestá e meil denter di sinku (5) dia di trabou.

LISTA DI SPLIKASHON DI TÉRMINO

Seguro médiko básiko (basiszorgverzekering)

Komo estudiante di CN bin biba na Hulanda pa tres aña òf mas pa sigui un estudio i/òf pa traha, e ora ei ta konsiderá bo un **residente hulandes** i bo tin e **obligashon** pa sera un seguro médiko básiko hulandes |(basiszorgverzekering), pa ora bo bira malu. Bo **mes** mester sera e seguro aki. Tambe ta **bo mes** lo mester bai paga e seguro médiko básiko. Pero bo ta bini na remarke pa risibí e **zorgtoeslag**, kua tambe ta **bo mes** lo mester regla.

BSN (Burgerservicenummer)

Bo BSN ta bo propio number personal pa kontakto ku gobièrnu di Hulanda Europeo. Bo mester di un BSN pa sera un "Basiszorgverzekering" (seguro di kuido básiko).

CAK (Centraal Administratie Kantoor) – E organisashon ku ta responsabel pa finansiamentu di e instansianan di Wlz i p'esei CAK ta kontrolá si siudadanonan ta kumpli ku nan obligashon legal komo residente di tin un seguro médiko básiko hulandes.

DigiD – Un DigiD ta un prueba di identifikashon digital personal (den forma di un number). Na Hulanda bo mester tin un DigiD pa identifiká bo mes online via internet, regla algu serka gobièrnu òf pa enseñansa òf kuido médiko. Bo por pidi bo DigiD via www.digid.nl. **Paga tinu:** pa pidi un DigiD bo mester tin bo number di BSN (mira pregunta 1).

HollandZorg – e asegurador na Hulanda ku ta ofresé un seguro médiko básiko hulandes (*Nederlandse basiszorgverzekering*) pa estudiante konsiderá di ta **residente**.

Residente òf no-residente?

Ora bo ta biba na Hulanda pa un periodo di 3 aña òf mas pa estudio i/òf pa biba, ta konsiderá bo un **residente**. Si bo ta keda ménos ku 3 aña na Hulanda, ta konsiderá bo un **no-residente**.

Paga tinu: komo residente di Hulanda, bo **tin obligashon di kuido (verzekeringsplicht)**. Esei ke men ku bo tin **obligashon legal** pa sera un kuido médiko básiko (*basiszorgverzekering*) denter di 4 luna.

InsureToStudy – e asegurador na Hulanda ku ta ofresé e seguro *Masterplan+ verzekering* pa estudiante ku a base di nan Wlz-toets ta konsiderá di ta **no-residente**. Tambe, InsureToStudy ta intermediario pa e seguro médiko básiko di HollandZorg.

Sigui lesa na página 6

SVB (Banko di Seguro Sosial) – E instansia na Hulanda ku ta realisá e seguronan sosial i entre otro tambe ta enkargá ku e prueba Wlz-toets.

Wlz-toets – (Wlz ta para pa Wet-langdurige-zorg, Lei di kuido duradero) – esaki ta un prueba ku un estudiante for di Hulanda Karibense mester hasi **solamente** si tin duda tokante su residencia a base di e asina yamá kontra-indikashonnan, pa determiná si komo estudiante di CN ta konsiderá bo un residente òf un no-residente. Por ehèmpel:

- Ora e pais di orígen ta paga e gastunan di bida kompletamente;
- E pais di orígen ta paga e gastunan di estudio kompletamente;
- Ora ta bai e pais di orígen bèk ku hopi regularidat.

Solamente si tin duda tokante posibel kontra-indikashon, bo mester hasi un petishon pa un prueba Wet-langdurige-zorg (Wlz) serka SVB.

ZJCN (Kuido i Hubentut Hulanda Karibense) – e ofisina ku ta regla seguro médiko pa e aseguradonan na e islanan Boneiru, Sint Eustatius i Saba, i pa e studiantenan di CN na Hulanda ku ta konsiderá no-residente. P’esei, bo por dirigí tur bo preguntanan tokante bo seguro médiko pa estudiante tambe na ZJCN, via e meil StudentenBES@zorgverzekeringskantoor.nl.

Zorgtoeslag (supsidio adishonal pa seguro di kuido)

E zorgtoeslag (supsidio *adishonal pa seguro di kuido*) ta un montante ku ta kita for di e prima mensual ku bo mester paga pa bo seguro médiko básiko (basiszorgverzekering).

Wak pregunta 8 pa kon bo mester apliká pa risibí e subsidio aki.

Zorgverzekeringslijn (liña di seguro médiko)

Aki bo por haña teps i konseho grátis tokante seguro médikonan na Hulanda, òf si bo tin pregunta. Manera por ehèmpel tokante e obligashon di seguro (verzekeringsplicht). Bo por yama nan gratis via number 0800-6464644 òf +31 88 900 6 960, òf manda nan un email via info@zorgverzekeringslijn.nl

Sigui les ana página 7.

CHECK LIST – KIKO MI MESTER REGLA **NA BONEIRU**, PROMÉ KU MI BIAHA BAI HULANDA?

1.

Sòru pa bo tin bo BSN (burger service nummer). Wak pregunta 6 pa kon bo ta risibí bo BSN.

Si bo no a risibí bo BSN ainda pa medio di un karta, bo mester yama DUO pa pidi'e, via

tel. +31 505 997 755.

Esaki ta hopi importante: sòru pa bo skirbi bo number di BSN i semper kana ku ne.

2.

Pasa kantor di ZVK pa risibí bo **prueba di seguro**. Den kaso ku lo bo mester di kuido médiko entre 1 i 31 di ougùstùs, bo mester di e prueba aki.

Sòru pa na Hulanda bo tin e prueba di seguro di ZVK serka bo tur kaminda!

3.

Pasa afdeling Burgerzaken (Kranshi) pa kanselá bo inskripshon for di registro sivil di bo isla.